

DISSERTATIONEM INAUGURALEM
DE
REPLICA
LIBELLO INSERENDA
DIVINO MODERANTE NUMINE
ILLVSTRIS ICTORVM ORDINIS
IN ACADEMIA LIPSIENSI
CONSENSV
P R O
GRADV DOCTORALI
IN VTROQUE IVRE OBTINENDO
DEFENDET
CHRISTIANVS EHRENFRIED
ADOLPH FRITZSCH
LVCCA-LVSAT.

DIE XIX. IVLII A. R. S. c1810ccxxxvi.

L I P S I A E
LITERIS RICHTERIANIS.

L. Fritzsch

Digitized by Google

THE JOURNAL OF THE

ROYAL SOCIETY OF MEDICINE

Volume 10, Part 1, 1917

Published by the Royal Society of Medicine, 11, Bedford Square, London, W.C.1

Printed by the Royal Society of Medicine, 11, Bedford Square, London, W.C.1

Subscription price, 10s. 6d. per annum in advance

Single copies, 2s. 6d.

Advertisements, 10s. per line per month

Orders, cheques, and payments to the Royal Society of Medicine, 11, Bedford Square, London, W.C.1

Subscription orders may be sent to any bookseller or to the Royal Society of Medicine, 11, Bedford Square, London, W.C.1

Printed and Published by the Royal Society of Medicine, 11, Bedford Square, London, W.C.1

CONSPECTVS

DISSERTATIONIS.

§. I. *Ius est Disciplina Practica.*

§. II. *Ratio cur haec materia electa?*

§. III. *Replicae Definitio.*

§. IV. *Exceptiones rei generales non admittuntur.*

§. V. *Cautela de generaliter excipiendo damnoſa.*

§. VI. et VII. *Rationes.*

§. VIII. *Exceptio non competentis actionis interdum vt ſpecialis obicitur.*

§. IX. *Vtrum in actoris arbitrio, ſemper Replicam inferere libello?*

§. X. et XI. *Continuatur haec quaestio.*

§. XII. XIII. et XIV. *Annon praestet actori replicanti probationem concedere?*

§. XV. *Replica adhuc in ſecunda Instantia recte opponitur.*

§. XVI. et XVII. *An vero idem iuris intuitu apochae?*

§. XVIII. *Actori neganti, replicae probatio, num ſit concedenda?*

A 2

§. XIX.

- §. XIX. *Actor et reus ad paria iudicantur.
Limitatur quandoque.*
- §. XX. *De modo probandi Replicam.*
- §. XXI et XXII. *De articulis elisiuis, et an
hic iuramentum recte deferatur?*
- §. XXIII. *Casus, si Replica non statim in-
serta libello.*
- §. XXIV. *Adhuc recte deferitur in Replica
iuramentum.*
- §. XXV. *Id quod in Elect. Sax. iuris est.*
- §. XXVI. *Probatio pro exoneranda con-
scientia.*
- §. XXVII. *Reus quandoque articulos ad ex-
ceptiones dirigere potest.*
- §. XXVIII. *Probatio Replica per Docu-
menta. De eorum editione.*
- §. XXIX. *Reus regulariter non edit. Li-
mitatur.*
- §. XXX. *Praeindicia.*
- §. XXXI. *Probatio Replica per Testes.*
- §. XXXII. *An LL. dictum circa Replicam
procedendi modum disponant?*
- §. XXXIII. *Cautelae.*
- §. XXXIV. *Concluditur.*



§. I.

Iuris Theoriam propter Praxin addi- Ius est Disci-
scendam, et Ius Practicam esse Disci- plina Practica.
plinam, nemini erit dubium. In vtilia addi-
addiscendo igitur Studio Iuris, si ab scenda,
obsoletis, sterilibus, leuiorisque pon-
deris materiis discefferimus, primam
primariamque practicabilium, fructuosarum, grauium,
earumque, quae de pane (*ut loqui amant*) et lacte
sunt, rationem habere materiarum, operae erit pretium.
Quo longius et latius vero amplius, in quo Studiosis Tempori in-
Iuris desudandum, pateat campus, hoc maiori animi seruicendum.
expendant oportet agitatione, bene verissimum illud
Ouidii:

*Vitendum est aetate, cito pede labitur aetas;
Labitur occulte, fallitque volatilis aetas.*

L. III. de art. am. quo nomine destinatum huic studio
tempus, in acquirenda materiarum, quae in ipsis rerum
obtinent argumentis, et quotidiano fere usu veniunt,
notitia, tantum abest, inquirendis iis, quorum vel nul-
lus, vel rarior certe usus, consumant oportet, adducti

admonitione PAVLI in l. 25. de Liber legat. PAPI-
NIANI in l. 44. de Vfiicap. IVSTINIANI in l.
ult. pr. C. de bon. quae liber. Id si minus facient, Tri-
bonianos quidem atque Theophilos sese existimabunt,
annon vero, plenariam istam, qua de laetantur, iuris pe-
ritiam, si ad facta applicare illis contingat, Dupondio-
rum potius mereantur nomen, viderint illi ipsi.

§. II.

Ratio cur
haec materia
electa.

Participia non
semper inuol-
vunt neces-
sitatem.

Cogitantibus nobis saepenumero de eligendo
Themate iuridico, non ad Theoriam solum, verum
Praxin etiam, quin imo declinandam erroris, quo de
§. anteced. dictum, suspicionem peradposito, duobus
abhinc annis: sub Praesidio Viri CONSVLTIS-
SIMI, DOMINI D. KAESTNERI: *An vxor,*
quae consentit marito testanti, portioni Statutariae sine
Curatore renunciare queat? et praesens: *de Replica Li-*
bello inferenda, anterioribus congruere visum medita-
tionibus, accedit, quantum nos quidem legere memi-
nimus, si a Commentatoribus discesserimus, praesens
thema peculiari Dissertatione exaratum haud obuium
esse. Principio monendum est, verbum *inferenda*,
hic loci neutiquam inuoluere necessitatem, vt quidem
alias de participiis dici adsolet, quod tamen in genere
vix erit verum, quandoquidem verba deferuire de-
beant intentioni, non haec verbis, c. 15. X. de V. S:
verba hinc non nisi pro substrata materia sunt intelli-
genda. Simillimum in modum IVSTINIANVS
L. II. T. XIV. l. de Haeredibus inscripsit *instituendis*:
quod vero ibidem haudquaquam de haeredibus necessa-
rio,

rio, et semper instituendis fiat sermo, ne iis quidem, qui vel leuiter faciem hanc materiam degustarunt, erit incognitum, eundem in modum in praesenti themate, *de Replica libello inferenda*, varia quidem, non vero quasi nullo non tempore id fieri debeat, ut inferatur libello, animus est dissilere.

§. III.

Definitionem omnem in Iure ciuili esse periculo- Definitio Re-
 losam, ait IAVOLENVS in l. 202. ff. de R. I. quo- plicae.
 circa in formanda ea, quae est Replica, haud conue-
 niunt inter se DD. plerorumque attamen est sequens:
 quod sit *positio*, (quatenus scilicet opponitur Exce-
 ptioni) *qua actor ad exceptiones a reo oppositas respon-*
det, ad elidendam hac ipsa eius intentionem. Non vnus Positio varie
 est Positionis significatus, quandoque sumitur pro fun- sumitur.
 do, sorte, patrimonio, *vid. l. 3. §. 2. de ann. legat.* quan-
 doque breuem denotat facti narrationem, ad elicien-
 dam veritatem, *vid. MARANT. in Spec. Aur. p. 17.*
rubr. de Posit. et late DVRANDVS in *Spec. Iur.*
P. II. L. II. de Posit. vnde denominatio libelli positio-
 nalis, *vid. CALVIN. Lex. Iurid. voce Positio.* Neu-
 ter horum huic conuenit tractationi; per eam potius
 hic intelligimus: *Ius, quo exceptio a reo opposita resol-*
uitur. *vid. l. 35. de Pact. in f. id quod vernacula effert:*
einen Sag, Rechtlich Einbringen. Responsiones ad
 rei exceptiones remouendas. Huc collineant verba
 VLPiani in l. 2. §. 1. de except. *Replicationes nihil*
aliud sunt (inquit) quam exceptiones, et a parte actoris
veniunt, quae quidem ideo necessariae, ut exceptiones ex-
cludant,

cludant, alium igitur in finem nullum, quam obuiam ire exceptionibus rei, Replica vtitur actor. His recte ita sese habentibus, Replica quatenus vel statim inferatur libello, vel rei demum sequatur exceptiones, vel in secunda proponatur instantia, (*quo de §. 1. §. infra*) est: *Remedium actori competens, ad excludendas rei exceptiones.*

§. IV.

Exceptiones
rei generales
non sunt at-
tendendae,

Remedium hoc, si libello non statim inferatur, actori non competit prius, quam rite a reo oppositis exceptionibus, contra quas ut replicare, sic et articulos concipere valeat elisiuos. Exceptiones igitur reus opposuerit, necesse est, non generales tantum, v. c. tua non interest, non adimpleti contractus, non competentis actionis, (quae vltima quandoque ut specialis admittitur §. 8. *infra*) quales siue ut dilatoriae opponantur, siue ut peremptoriae, non sunt attendendae, *vid. VASQV. illustr. contr. P. II. L. II. c. 32. n. 13.* et Iudex earum rationem habet nullam, teste ANT. FABRO in *Cod. L. 9. t. 22. conf. KLOCK. Vol. VIII. consil. 149. n. 325.* Sic reus exceptione non fundatae intentionis opposita, in reprobatione vi huius speciales quas habet, deducturus, audiendus non est, quandoquidem exceptio adeo generalis, ut ex quo potissimum capite, actoris intentionem haud fundatam velit, non adpareat, actor enim tali ratione et elisiuos concipiendi articulos, et replicam suam probandi, priuaretur facultate, uti pronunc. *ICti Viteb. Mens. April. 1720. 168.* WERNHERO P. IV. O. 152.

§. V.

§. V.

Salutarem et omnibus numeris absolutam commen-
 dare quidam haud dubitant cautelam: *Exceptiones non* Cautela que-
nisi generales opponere, et Litis Contestationi adnectere, rundam.
 v. g. rei non sic sed aliter gestae, ad adimendam auctori fa-
 cultatem formandi articulos elisivos, et replicam. Vel-
 lent, velimus, rem paulo curatius perpendere ipsam, haud
 contemnendum inde emergere damnum, et omnem Verum da-
 cautelam, quanta est, commodi habere nihil, incom- maosa.
 modi satis, illis innotesceret. Quid enim prohibet
 auctorem, quo minus rei calliditatem bene animaduer-
 tens, pari eam possit compensare, atque deducere,
 perinde habendum esse reum, ac si plane non exce-
 pisset, cum paria semper sunt, aliquid facere, vel facere
 quidem, sed non legitime, paria quoque esse, plane Paria non ex-
 non excipere, vel excipere quidem, ast illegitimo cipere, vel ex-
 modo. Certe potissimus huius cautelae erit effectus, cipere, sed il-
 ut reus cadat probatione; articuli enim super exce- legitime.
 ptionibus non statim post L. C. sed multo post ex-
 pressis, concepti, sunt impertinentes, a O. P. S. V. T.
 21. §. 4. funditus tandem laudata euertitur cautela per
 O. P. S. R. T. XI. §. 4.

§. VI.

Ex dictis haecenus satis adparet, quam bene sibi Ratio cur haec
 consulat generaliter tantum excipiendo, reus, actor si cautela non
 velit memoratam in eius odium retorquere cautelam, probanda.
 id quod non prudentis solum actoris est, sed omni et-
 iam fit iure. vid. TITIVS in I. Priu. L. 12. c. 7. §. 2.

B

ID.

1D. in *Observ. Lauterb. 1134.* Fac, reum ad circumveniendum actorem, nil nisi praedicta opus habere cautela, haud scio, an vel vnus saltem reorum, quippe quorum fugere *l. 13. C. de Iudic.* de bonitate causae, vel legitimis ad se tuendum mediis sollicitus sit futurus, herba potius illi esset haec cautela Betonica, ad declinandum omne iudicium, elidendamque quamcumque, cuiusvis actoris intentionem. Nullo vero modo malitiis hominum indulgendum, *l. 38. de Rei Vind.* multo minus eum adhuc in finem, vt alteri per alterius malitiam iniqua inferatur conditio. *l. 74. de R. I.*

§. VII.

Vti libellus generalis, eodem modo exceptio generalis, nullius momenti.

Verum itaque permanet, reum exceptione non audiendum esse generali, non autem ob illam solum, qua de *in §. 4. in f.* facta mentio, rationem, verum etiam eam maximopere: quod excipiendo reus fiat actor, *l. 1. de Except. l. 19. pr. de probat.* Quemadmodum vero actoris libellus generalis, speciali sine causa debendi, vel iuris, ex quo agit, facta certioratione, haud sustinetur, intuitu rei mitius procedendum non erit; iam vero actor v. g. 100. petens ex Contractu, nullam aliam tuto sperare poterit sententiam, praeter eam: **Daß die Klage. immassen sie anbracht, nicht statt habe,** vid. SVENDEND. ad FIBIG. p. 229. Quinimo eiusmodi libellus ex officio reiiciendus, actor in expensas, Aduocatus poenam V. thaler. condemnandus, per O. P. S. R. 1. 5. §. 3. ex natura correlatorum, cum ad paria iudicentur actor et reus, quam id recte faciant rei generaliter excipiendo, constat. *vid.*

vid. BACHOV. *ad TREVTL. Vol. I. Disp. V. th. 1. l. b. et omn. de BERGER. de art. elif. th. 19. in eius Vol. XXXIV.*

§. VIII.

Exceptionem, superius §. 4. diximus, non competentis actionis, ut generalem non debere attendi, patitur limitationem, eo duntaxat casu, si ut specialis obiiiciatur, nondum scilicet competentis actionis, quippe quae actori, iusto citius agenti, merito obstat, haud fecus ac si agat ex facto quidem vero, ad agendum vero inhabili; ex testamento velut inualido, ubi exceptio non competentis actionis, pro substrata materia pro speciali reputatur, quamvis facti inhabilis adcuratius tum dicatur exceptio, vid. TITIVS in *I. Pr. L. 12. c. 7. §. 2.* aliis in casibus, in quibus ut specialis admitatur non competentis actionis exceptio v. *omn. de BERGER El. Proc. Prov. th. 17. 18.*

Except. non
competentis
act quando-
que ut specia-
lis opponitur.

§. IX.

De Replica actoris quatenus ordinario opponatur modo, haftenus. Iam ad propositum ipsum veniamus oportet, *de inferenda quippe ea libello.* Princeps hic agitanda venit quaestio: in actoris arbitrio vtrum positum sit, nec ne, nullo non tempore libello inferere Replicam? Illustr. de BERGER in *El. D. F. p. 1087. et El. Pr. Ex. §. 48.* distinguendo, si in continenti liquida sit exceptio, *inquit*, statim libello inferendam esse Replicam, idemque in *Oec. Iur. ed. nou. p. 1002.*

An actoris
arbitrii res sit
Replicam in-
ferere libello?

existimat, variaque ibidem adducit praeiudicia *F. I. V.* Sic si vereatur actor, praescriptionis sibi obiectum iri exceptionem, statim inferere libello replicam, ad interruptendam eam, suadet, quo facto actor a limine iudicii repellendus haud sit, quamvis praescriptio ex primo statim libelli intuitu innotescat, bene vero replica interruptionis quaestio foret altioris indaginis, *ID. c. l. conf. WERNHER P. VI. O. 326.* Antea enim, deinde de replica esse cognoscendum, probationes atque reprobationes absolueudas, quam super praescriptione, vtrum ei locus sit, nec ne, pronunciari possit. *WERNHER En. iur. 472. P. II.*

§. X.

Si replica libello non inserta quomodo pronuntiandum?

Casus.

Bene aliter vero sentit BERGERVS, si replica libello inserta non sit, et rei in continenti liquida deprehendatur exceptio, ubi non obstante actoris replica, reum absolueundum, pronunciandumque: *Daß die Klage, inmaßen sie anbracht, nicht statt habe*, statuit, actor potius ad aliud ablegandus sit iudicium, quo cum etiam faciunt BRVNNEM. *I. c. L. III. c. 7. §. 3.* et quem adlegat MEVIVS *P. III. Dec. 226.* WERNHER. *P. IIX. O. 354.* ibique praeiudicia *Scab. Lipsf.* Exemplum adducere iuvabit: Cohaeres agit contra cohaeredem actione familiae erciscundae, reus opponendo exceptionem transactionis, eam documento in continenti probat, actor NB. replicando, dolo se ad transigendum fuisse adductum, enormiterque laesum, eius probationem in se suscipere vult; ad mentem BERGERI, eorumque quibus eadem placet sententia, reus

reus absolvendus, actor vero cum replica, ceu quaestione altioris indaginis, ad separatum iudicium delegandus, et in appellationis instantia talis sententia confirmanda, vti pronunc. *ICti Viteb. Mens. Maio, 1711.* teste illustr. LEYSERO *Spec. 512. m. 8.* rationes decidendi apprime cum ad hunc casum illustrandum faciant, adducamus: Derer Kläger fürnehmstes Grauamen bestehet darinne, daß sie mit ihrer Klage abgewiesen, und Beklagter von derselben entbunden und losgesprochen worden; alldieweiln aber Beklagter die Exceptionem Transactionis, und factae iam Diuisionis iudicialis vorgeschüßet, solche auch durch das, bey denen Actis primae Instantiae, in Abschrift befindliche, und damals originaliter producirte Document bestärcket, die Exceptio laesionis und omissi inuentarii hingegen, weil solche der Klage selbst *per modum replicae* nicht *inferiret* worden, wider ein in continenti liquides Document, dadurch litis ingressus verhindert wird, keine statt finden, sondern in absonderlichen Processu ausgeführet werden muß ic. so haben wir, solches Grauaminis ungeachtet, das vorige Urtheil confirmiret.

§. XL

Praestare igitur non solum, verum necessitatis etiam esse, in casu exceptionum rei in continenti liquidarum, libello inferere replicam, modo adlegatorum sententia est *ICtorum*, ad euitandum vti §. *praeced.* dictum, pronunciari: Daß die Klage inmaßen sie anbracht, nicht statt habe: Caueat actor tamen, ne captiose opponat replicam, recte iidem quoque admo-

Praestat secundum BERGERVM, si exceptio liquida, replicam inferere libello.

nent, *vid. de BERGER. El. D. F. p. 171.* Quod ad reliquum attinet, vnum erit idemque, vtrum sententia: *Daß die Klage, inmaßen sie anbracht, nicht statt habe, feratur, an simpliciter: Daß die Klage nicht statt habe, omiſſa verba, inmaßen sie anbracht, tacite ſubintelliguntur, ſententia ſcilicet, non aliud quam inſtitutae actionis continet genus, non vero ad nouum illud, cui inſeratur replica, adplicanda. BERGER. El. Proc. Ex. 1b. 48. ID. in Oec. Iur. ed. nou. p. 1003.*

§. XII.

Annon praeſtet aſtori probationem concedere?

adſignatur

Rat. 1)

2)

Miſſas faciamus horum auctoritates, ipſa re potius, et ratione exquiramus, vtrumne expediat, ſecundum eorum pronunciare ſententiam, an praeſtet aſtorem ad replicae admittere probationem, licet libello replica inſerta non ſit? Iis quae ſequuntur rationibus adducti, in adſignatam poſterioris abire ſententiam, nulli dubitamus. Primam haud nullius ponderis rationem adfert illuſtr. LEYSERVS c. 1. abſolutoriam talem neutri partium prodeſſe ſententiam, in vtrorumque potius vergere detrimentum, quandoquidem nulla plane exigente neceſſitate, non iudicia ſolum, verum ſumtus quoque, atque temporis duplicetur iactura.

2) Reum per hanc abſolutoriam licet, plane lucrari nihil, non enim motam contra illum tollit actionem, ſaltem in aliud tempus eam differt, certo enim praeuidere poſſet reus, exhibito alio libello, emiſſa noua citatione, noua litis facta conteſtatione, alia deſuper ſententia lata: Kläger ſolle Dolum und die Laesion erweiſen, iri pronunciatum, quae duae rationes Illuſtr.

LEYSE-

LEYSERO iam familiam ducere videntur. Addamus vterius 3) esse et iudicis, et partium, si vtrique conscientiae rationem habere velint, omnem quidem ad abbreviandos Processus, euitandos sumtus, aucupandum tempus, nauare operam, tantum adest, cumulandos, augendos, cum quod fieri possit per pauca, per plura fieri prohibeatur, *a. §. 43. l. de R. D.* taceamus, in Saxonia praeprimis Electorali, longe saluberrime, etiam atque etiam, passim, in *O. P. R.* idem iniungi, alium vero in finem nullum tenderet vnquam admissio actoris ad probandam replicam separato in Iudicio. Iudicis 4) est, sententia litem dirimere, perque eam finem facere controuersiae, *l. 21. ff. de R. C.* annon in adducto casu iudex actorem ad nouum, et aliud iudicium remittendo, nouam litigandi praebeat causam, nedum per indirectum ad controuertendum inuitet?

§. XIII.

Praegnans 5) est ratio a L. C. desumpta adfirmatiua. Reus litem adfirmatiue contestatur, adiicit vero exceptiones peremptorias, nullum est dubium, admittere cum ad earum probationem, actor adfirmat rei exceptiones, replicando iisdem obuiam iri, quid ob erit, quo minus ad eius probationem admittatur, vti reus, cum ad paria iudicentur actor et reus, pro natura correlatorum, hinc est, quod in *l. 22. §. 1. de Except.* contraria replicatio dicatur exceptio, et quasi exceptionis exceptio, quia perinde vt reus exceptione, actor vtatur replica, ad elidendam rei intentionem, *l. 2. §. 1. de Except.* in effectum replica sub exceptionis conti-

continetur nomine, subit enim reus excipiendo partes actoris, vicissim actor replicando rei, ZIEGLER. *ad LANCELL. l. l. C. L. 3. t. 8. §. 21. ad verba: ad similitudinem.* Si denique a reliquis omnibus, quae adduci poterunt adhuc, discedamus rationibus, dictae erunt sufficientes satis, ad iniungendam actori probationem, licet replica inserta haud fuerit libello, licet liquida deprehendatur rei exceptio.

§. XIV.

Non obstat
c. 1. de L. C.
in 6.

Hac sententia alienum non est, c. 1. de L. C. in 6. quo in capite reus, exceptionem litis ingressum impediens opponens, a necessitate litem contestandi liberatur, non autem in d. c. sermo, nisi de exceptione litis ingressum impediens, quae actionem plane tollit, atque perimit, LEYSER. c. l. aliter vero sentiendum de tali, quae per replicam actoris fit turbida; atque controuersa, vti in casu a nobis adlato, nisi reus replicam in continenti, duplicando iterum remoueat. Aequè minus sententiae nostrae detrahit quidquam, trium ille literarum tyrannus, MOS, (*verbis Roterodamensis liceat vti*) obseruantia scilicet, nulli equidem sumus nescii, in contrarium quandoque pronunciari, in auctoritatibus nobis non prius videtur acquiescendum, quam si istae comparatae sint ad l. 18. C. de Iudic. in eo autem a nobis casu adducto, haud sine iniuria litigantium, MORI gereremus morem. Audiamus MAESTERTIVM de artif. disp. §. 9. auctoritas rerum (inquit) iudicatarum in hac decertandi palæstra parum prodest, si dixerit quoniam sic vidi, sic audiui, in decisionem; *magis*

Non obstat
obseruantia.

magis visum, quam nostram fidem excitat, nos quaerimus, ut ita dictum, num ea redolect iustitiam, annon potuisset iudicari melius, conf. elegantissima Dissert. GRIBNERI, cuius praematurum hucdum deploramus obitum, de Obseruant. Colleg. Iurid. occas. §. 49. Resol. Grau. d. a. 1661. quantum auctoritatibus tribuendum sit, aliorum iam esto iudicium.

§. XV.

Uterior efflorescit quaestio: an in secunda etiam instantia actor replica audiendus? Reum recte in hac etiam instantia opponere exceptiones, inter omnes constat Iuris Doctores, plane et nouas, et diuersas ab iis, quibus in prima instantia fuit usus, modo non ad aliam attineant, quam institutam actionem, certum etiam est, reum non adstringi ad exceptionem vnā, ut actor actionem pluribus potius, et a se inuicem discrepantibus, recte utatur, *l. 8. de Except. l. 43. de R. I. c. 20. de R. I. in 6.* siquidem hic nulla obuēiat diuersitatis ratio, primam inter, et secundam instantiam, priori enim sententia per adpellationem suspensa, in pristinum causā redit statum, in quo ante L. C. erat v. omn. FERRAR. *de Adpellat. l. III. c. 5.* vbi BALDO dissentienti respondet. Plane nobis ambiguum non est, intuitu actoris, ab adfirmatiua etiam stare sententia, replicationes enim 1) uti §. 12. in f. dictum fuit, sub exceptionis nomine continentur, ut igitur aequè minus replica in adpellationis instantia sit reiicienda, quam rei exceptio. 2) Partes actoris replicantis dicuntur fauorabiliores, quam rei, ut

An replica in
secunda Inst.
admittatur?

adfirmatur

Rat. 1)

2)

C

notat

Casus,

notat Glossa et DD. *ad l. fin. C. de edendo.* propterea aequè facile concedendum illi videtur, diuersis ac variis vti replicationibus, *l. 13 C. de transact.* BARTOL. *in l. 8. de Except.* His praesuppositis, actorem in adpellationis instantia, omnibus illis recte vti replicationibus, quibus vel ad intentionem suam confirmandam, vel rei exceptionibus satisfaciendum, inesse quid, credit, salua manente vtroque ratione, adparet. Fac itaque actorem agere contra venditorem, ad rem tradendam, hunc vero, se tempore contractus exitisse minorem, excipere, remque sine decreto valide alienare non potuisse, absolui quoque sententia, integrum sine dubio est actori, interposita adpellatione replicando deducere: reum maiorem factum, ratihabuisse contractum *l. f. C. si maior factus.* Fac porro actorem petere decimas, reum adlegato priuilegio absolui, se contra priuilegium praescripsisse, actor in adpellationis instantia replicabit. *vid. c. 15. X. de Priuil.* Obiciat, si quis velit, *l. 30. §. f. de pecul.* vbi replica dicitur sequi naturam actionis. Eatenus id sciat procedere tantum, quatenus cum ea conueniat, et in eo solum casu durare tam diu, quamdiu alias duraret actio, secus in reliquis, vbi naturam potius sequitur exceptionis. *l. f. de Except. vid. DECIVS in c. §. autem n. 8. de rescr.* Rectius itaque cum adfirmatiua facere sententia nobis videtur, actorem in secunda instantia iis omnibus, quae ad elidendas rei exceptiones quid faciant, vti posse. *conf. HARTM. PISTOR. L. IV. qu. 23. n. 39. seqq.* cum idem iuris esse possit in replica, quod iuris in exceptione. *vid. MEVIVS P. III. Dec. 226. n. 3.*

§. XVI

§. XVI.

Supra §. 9. diximus praescriptionis exceptionem elidi posse per replicam libello insertam, quaeritur: an idem in apocha? Contingit quandoque Creditori, bonam debitoris fidem agnoscanti, vt sub promissione realis solutionis in euentum det apocham seu quietantiam, postea vero solutionem obtinere nullo modo queat, quali ei succurrendum remedio? Instituat necesse est querelam non numeratae pecuniae intra 30. dies, *l. 14. C. de N. N. P. BESOLD. P. II. conf. 59. n. 7. 8.* cur vero adeo parum temporis aëtori hic ad agendum currat, DD. eam perhibent rationem: LL. creditorem haud adeo facilem praesumere in danda apocha, factam ante solutionem ipsam. *vid. HEIGIVS ad T. I. de Lit. Obl. n. 30.* Ea quaestio hoc in casu quae caput est: an Creditor, si amice se erga debitorem exhibere, precibusque solutionem exigere, quam ex iure cum illo agere malit, nonnumeratae pecuniae querelam non instituat, praeterlapso 30. dierum spatio adhuc agere, et libello replicam de dolo debitoris, ad elidendam eius apochae exceptionem, inferere queat? neganda videtur *ob l. 14. §. 2. C. de N. N. P. tempore 30. dierum praeterlapso, Creditorem hanc exceptionem in tantum amittere, vt omnino cautioni suae stare teneatur, nec ulterius de pecunia sibi non soluta querelam mouere possit, etiamsi onus probandi in se suscipere velit; vna cum hac lege idem statuunt WESEN B. P. I. Conf. 42. n. 18. CARPZ. P. II. C. 29. d. 19. n. 7. 8. FREYER. de*

Si Creditor
apocham dat
in euentum,

intra 30. dies
querelam in-
stituat N. N. P.

Solut. c. XI. n. 39. qui Creditorem nec hoc casu ad iuramentum admitti vult.

§. XVII.

Verior adfirmatiua.

Rat. 1)

2)

3)

Verum enim vero, verior adfirmatiua est sententia, quamvis enim de iure quidem ista sese habeant ita, de quibus §. *ant.* dictum, regulariter etiam talem in modum procedatur, iustum et aequum tamen manet, atque permanet 1) iura subuenire deceptis, non decipientibus, *l. 2. ad SCt. Vellej.* 2) neminem cum alterius damno et iniuria fieri debere locupletiore, *l. 14. ff. de condict. ind.* quo iure dolus, cui alias omnibus modis occurrendum *l. 1. de dolo*, debitori poterit prodesse? Certe aequitas, quae in omnibus, maxime autem in iure spectanda *l. 2. C. de. Indic. citatae l. 14.* limitationem addet. His 3) cumulum adiicit *l. 5. §. ult. de doli mali et met. exc.* quod dolus eiusmodi specialis contra quietantiam et Chirographum ipsum, perpetuo possit vrgeri, qualem in modum pronunc. *ICti Viteb.* referente WERNHERO *P. II. O. 355. Suprema Cur. Prou. Lipsf. it. Scab. Lipsf.* quae late omnino cum rationibus dubitandi et decidendi apud BERGER. in *E. D. F. p. 375. seqq.*

§. XVIII.

An actor, sine
get except. ad
probationem
replicae ad-
mittendus?
videtur quod
non

Negat interdum actor, annon tum erit ad probationem replicae admittendus? Desumpto argumento a reo in poenam inficiationis, negatiua sententia aliquam prae se ferre videtur speciem, reus enim, litem negatiue

negatiue contestatus, ad libellum, in quo proprio super facto iuramentum ei delatum, perdit exceptiones, vid. RIVIN. *ad O. P. S. t. 16. En. 14. t. 18. En. 129.* iam vero excipiendo reus fiat actor, actor replicando reus, ad paria quoque esse iudicandos? Sed poena inficiationis, quandoquidem 1) nulla sancitur lege, fori potius vsui eam acceptam referamus, id quod pluribus deducit WERNHER. *P. I. O. 107.* 2) odiosa, quale sine dubio inficiationis poena restringenda *c. 15. de R. I. in 6.* tantum abest amplianda, vel de casu ad casum extendenda, dicta inficiationis poena, quae intuitu rei tantum obtinet, specificè ad actorem applicanda non est. 3) *O. P. S. R. t. 16. §. 3.* reo quidem in poenam mendacii, si propria negauerit facta, nisi tempore L. C. aliam de iis non habuisse notitiam, iuratum adferat, exceptionum minatur amissionem, replicae vero ibidem nullam iniicit mentionem, nostri arbitrii res non erit, ad actorem idem extendere, in stricta potius decisione conquiescamus. *conf. STRYCK. de Process. abbrevianda per poenam mendacii. Hal. 1703.*

rectius adfirmatur,
Rat. 1)

2)

3)

§. XIX.

Ad paria iudicari actorem et reum, in communi omnium ore est Ictorum. Quatenus hoc intuitu Replicae procedat, huc quadrat inquirere. Exempli loco, ut res fiat clarius, sit *l. 26. ff. de Fideiusso.* Confideiussores adhuc quidem soluendo existentes, video perdere, atque dilapidare bona sua, ego confideiussor prouoco Creditores, ad hoc, ut in iudicium veniant, meamque diuisionis exceptionem au-

Ad paria iudicari actorem et reum, limitatur.
Casus ex *l. ff. de Fideiusso.*

C 3

diant,

probat. ita actor qua replica, siue statim inferatur libello, siue postea opponatur, illam probabit? nuda enim veritatis adfertio omni destituitur probationis effectu. Modus probandi, pro ea, quae est DD. diuiso, est vel ordinarius, per Testes, perque documenta, vel extraordinarius per iuramentum, qualis igitur hic locum habet? seorsim in subsequentiis.

§. XXL

Actor potest replicam ad euertendas rei exceptiones articulatim concipere, quales κατ' ἐξοχήν replicatorii vocantur articuli, quamuis si elisiuorum denominatione uti malis, haud peccabis. *vid. omn. de BERGER de art. elis. §. 13.* Vtrum vero iuramentum super elisiuis articulis recte deferat actor? respondemus distinguendo: inter Ius Ciuile, Saxonicum et inter. De priori affirmatio in nullum venit dubium, in quouis enim processu articulo iuramentum recte deferitur *per l. 12. C. de reb. cred. et iur. iur.* quinimo licet actor probationem ingressus, ea desistat, vel probaturus deficiat, hucdum Ius ciuile ad iuramentum indulget regressum. *vid. FRANZK. tit. de Iur. iur. n. 108. MEVIVS P. IV. dec. 5. BRVNEM. ad l. 12. n. 15.* ibique vna cum iis quos refert, elapso iam termino probatorio, recte adhuc deferri posse iuramentum, statuit.

De articulis elisiuis.

Iuramentum an super iis possit deferri. Respondetur distinguendo.

§. XXII.

Posteriori autem Saxonico iure, accuratius procedendum, actoris quidem arbitrii res est, replicam inferre libello, De Iure Sax. in ipso libello deferatur.

libello, vel ea, oppositas deum potius exceptiones, va-
 malit, iuramentum vero in ipso libello deferre tenent
 per *O. P. & R. u. 18. §. 1.* *soldates also fort in dem Klage-*
Libell thm 10. ex quo conficitur, si replica fuerit libello
 inserta, super eadem quoque in libello deferendum esse
 iuramentum, quod postea haud admitteretur *vid. O. P. &*
R. c. §. 2. Actor omnino, quod reliquum, adhibet cau-
 tionem, atque circumspicionem, de rite se sufficienter
 que satis instruendo, replicam si libello inferere velit, su-
 perque eam deferre iuramentum. Si enim illi, quod hu-
 manum dicitur, contigerit, acceptato, et praestito iuri-
 mento, ob damnum, quod sua culpa sentit, non habet
 quo de queratur, quam se ipso, id certe semper tenet
 utrum praestet, expectare antea rei exceptiones, quam
 replicet, ad eo melius sibi prospiciendum, aut se infor-
 mandum.

§. XXIII.

Si replica li-
 bello non in-
 ferta.
 Casus.

Si replica libello inserta non fuerit, circa delatio-
 nem non vna est DD. sententia. Actor a g. simpliciter
 format libellum in rei vindicatione, reus opponit excep-
 tionem praescriptionis, actor replicando, laudabili se
 tuerit absentia, eaque reo haud incognita, medio velut
 ad auertendam praescriptionem. Quidam hic statim
 deferendum esse putant iuramentum super replica, vel
 attamen iuramenti delationem referuandam, qua referua-
 tione neglecta, in articulis postea elisiuis illud deferre,
 non amplius integrum sit. solido vero hanc sententiam
 destitui fundamento, et omnia quamvis delatione, aut
 reservatione, in articulis recte adhuc deferri iuramentum,
 hic et *loca* deducit de BERGER in *Traditio*

quodque

quousque in foro Electorali deferre liceat Iuiur. th. 3.
Qualem in modum etiam pronunciarunt F. I. L. et S. C.
P. L. teste MENCK. in Theor. et Pr. Pand. p. 326.

§. XXIV.

Sententia igitur, iuramentum, etiamsi in libello delatum non sit, in articulis probatorialibus, super replica posse deferri, haud amplius dubia. Sententia enim iniungens auctori probationem ulterius, quam ad libelli capita, a reo negata, si extenderetur, haud sine iniuria fieret, tantum abest, eam ad replicam, quae a libello longe distat, esse referendam. Sententia haec ulterius in *supremo Adpellat. Senatu et Collegio*, quae *Vitebergae*, recepta atque adprobata. *vid. WERNHER. P. II. O. 351.* Sententia eadem placuit porro *Scab. Lips. M. Mai. 1710.* ad requisit. *derer Stadt-Gerichte zu Merseburg in causa Michael Stechens* contra Christian Deuten: *Das Beklagte auf den 13. 16. 17. 18. Beweis- Articul sub poena confessi et conuicti sich einzulassen schuldig: Rationes decidendi: Obwol auf den Beweis der Klage rechtskräftig erkannt, und in solchem Fall der Regress zur Eydes-Delation nicht statt hat; Diessel aber dennoch der 13. 16. 17. 18. Articulus probatorialis nicht facta libelli, sondern dergleichen Replicas, wodurch Kläger des Beklagten Exceptiones abzulegen vermeynet, in sich begreifen, über solche Elifus- Articul aber der Eyd auch bey dem Beweise gar wohl deferiret werden mag ic. vid. WERNHER. Suppl. ad P. II. O. 351.*

In replica adhuc recte deferitur iuramentum.

§. XXV.

Bene diu in supremo Adpellationum iudicio, quod Dresdae, obtinuit idem; vide ea quae hanc in rem adducit

Quid iuris in Electoralatu?

D

prae-

praedictis RIVIN, *ad O. P. S. l. 20. En. 117. p. 355.* His vero ab omnibus si recedamus auctoritatibus, in Electo-
 ratu nostro iurisc. deferri posse iusiurandum in articu-
 lis probatoriis, replica libello non inserta, *vid. O. P. S. R. l. 18. §. 2.* So ist auch Klen. über die Replic. da sie
 der Klage nicht **hinc** inferret, also nicht Pars Libelli
 worden, der Endes Delation bey dem Beweise, und
 denen dahin gehörigen Articulis elisivis, sich an noch zu
 gebrauchen, umbenennen, es soll aber solches also
 bald bey den Beweis Articuli geschehen.

§. XXVI.

Probatio pro
 exoneranda
 Conscientia.

Ad liberam is, cui iuramentum delatum, voluntatem suam illud acceptare, aut referre, aut conscientiam probatione defendere potest, quae defensio non in do-
 latis solum, verum etiam legalibus quibusdam, locum sibi
 vindicat iuramentis, *vid. omni D. KAESTNERI De
 linat. Proc. Ord. C. 24. §. 4. ibique solide hac de re.* Co-
 neat vero reus hanc ingressus defensionem, articulos ad
 iactum, super quo delatum iuramentum non est, dirigat,
 sin illos ut impertinentes reiici nolit. Caveat actor, ne
 si a reo super exceptionibus delatum iuramentum, con-
 scientiam probatione defensurus, articulos ad replicam
 immisceat, quales ex eadem ratione reiiciendi, v. O. P. S.
 R. l. 19. §. 2. Sic si agat actor adversus reum ad implendum
 Contractum, reus se summe ebrium fuisse, excipit, super
 quo hoc actori defert iusiurandum, actor replicat, altero
 die post, ratihabuisse contractum, eligit vero consen-
 tia probationem, in articulis elisivis, si ratihabitionis fa-
 ciat mentionem, articuli erunt impertinentes. Replica
 enim cum exceptionibus nihil habet commune, verita-
 tem enim factorum, quibus innitur, undeque excep-
 tionem

ptionem elidere intendit, praesupponit. Quale autem, si sit secus, ad aduersarium inde redundat damnum? Praecluderetur ei copia ad reprobationem contra repli-
cam, atque data interrogatoria. Quocirca omnes
causarum Patroni, omnes in eo contendant industria
vires, ne us, quae haecenus monuimus, contrarium quid
fuerint, ex officio enim tales impertinentes reijciuntur
articulo *vid. O. P. S. R. 1. 19. §. 2.* Varia haec in rem
lectaque, digna apud BERGER *in E. D. F. 1. 19. n. 2.*
et WERNER *P. II. O. 3. 2.*

§. XXVII.

Verum equidem reo conscientiam probatione de-
fensuro, articulos ad exceptiones dirigere plane non lice-
re, ne haec attamen regula sine exceptione. Si enim facto
in libello adiuncta qualitas, quae ab Actore per exceptio-
nem elidatur. *vid. de BERGER in E. D. F. 1. 1. n. 3.*
ubi sega exhibet casum: Mercator libellum concepe-
rat: Es habe Besitz, aus dem Eram-Laden, Inhabts
Auszugs, Waaren holen lassen, und se da für 128. Thlr.
schuldig blieben, iuramento delato, reus prius li-
belli caput affirmabat, negabat alterum; emine-
nt hic reus ad iuramentum admittendus altero, ne
per capite, eique liberum, in exponenda conscientia
super exceptione solutionis, articulos adicere? Ad-
firmatur, responsum in *Consil. aestim. 1703. in causa D.*
Gottfried Voßfelds ex iure cesso seines Eheweibes,
Annen Sophien, verwitbeten Unruhins, Klagers,
Hans George von Grunrod und Cons. Beslagten,
interpositaque Leuteratione, de nouo confirmatum,
consil. aestim. 1704. quia super toto, reo delatum ius,
iurandum, libello. Plures recenset casus RIVINVS

Quandoque
reus ad exce-
ptiones arti-
culos dirigere
potest.

ad O.

ad O. P. S. l. 19. Et 17. Cautelae loco de BERGER. r. l. p. 613. suadet auctori, sin male sibi consulere nolit, speciatim reo iusiurandum non deferre, nisi super ipsa quoque petitione, quia alias praeberet reo occasionem excipiendi, antes forsan haud praemeditata, se vero priuaret reprobatione, et dandi interrogatoria ad causam facultate. *vid. O. P. S. R. l. 19. §. 2. de BERGER. Suppl. P. I. p. 226. P. II. p. 459. GRIBNER. Prim. Pr. Ind. L. I. c. 4. §. 3. §. 4.*

§. XXVIII.

Probatio Re-
plicae per Do-
cumenta.

Astor edit
non reus.

Rat. 1)

2)

Dicta de Replicae probatione per iusiurandum sufficiunt, de ea quae fit per Documenta, in praesentiarum. Actorem reo teneri edere, certum est 1) ad instruendum ipsum, talia scilicet, quibus ipse usus per l. 1. §. 3. ff. de edendo. 2) ea etiam, quibus ad fundandum opus habet exceptionem per l. f. C. de edendo. l. 5. C. eod. *vid. BRVNNEM. ad l. 1. de edendo n. 6.* et regulariter actor reo, non vero reus edit auctori. *l. 1. §. 1. f. C. de ed.* Sequentes huius rei DD. adducunt rationes 1) conditionem rei ob fauorem defensionis esse fauorabiliorem ea actoris. *L. 125. de R. l. 1. §. 47. de O. et A. 2)* reum conveniri inuitum, actorem agere libere, et non nisi instructum, venire in iudicium. *vid. CARPZ. r. 14. §. 4. n. 32.*

§. XXIX.

Limitatur
haec regula.

Nulla tam generalis est, et firma regula, quae non aliquando patitur exceptionem *l. 1. ff. de R. l. idem contingit regulae.* reum haud teneri edere auctori, multo vero ut ea de re simus, quandoquidem huius loci non sit, consulendi sunt BERLICH. *P. L. C. 45. n. 24. segg.*

GILKEN.

GILKEN. *ad l. f. C. de ed.* PACIAN. *de reprobis.*
L. l. c. 63. MENOCH. *A. l. Q. l. II. conf. 499. et*
omn. D. KAESTNER. *Delineatio Proc. Ord. c. 30.*

§. 4. Vnam vero taciti praeterire nullo modo possumus quaestionem: An reus auctori ad fundandam replicam teneatur edere? Dolendum destitui nos LL. decisione huius quaestionis, cui DD. dissensum referimus acceptum. Adfirmatiuam qui ingrediuntur sententiam, in eo quod *a. l. f. C. de ed.* desumitur argumento adquiescunt, cuius in fine *Imperator Alexander: quando hoc* (inquit) *casu non oportet originem petitionis ex instrumentis eius, qui conuenitur, fundari*, argumento sic a contrario in iure alias quidem fortissimo *l. i. ff. de offic. eius cui Iurisd. mand.* ergo ad fundandam replicam fieri debere a reo editionem. Haud desunt etiam, quibus negatiua arrideat magis. *vid. de BERGER. Resol. Laut. ad tit. de ed. qu. 4. in animadu.* ipse vero BERGERVS in curis posterioribus, a priori recedere sententia, minime sibi religioni duxit, in *El. D. F. t. 26. §. 1. n. 1. replica vtut sit* (inquit) *pars libelli, eodemque cum libello censeatur iure, tamen naturam suam propterea non exuit, sed replica manet, cui tantopere fauent iura, vt etiam reum, ad eandem probationibus instruendam coerceant.*

An reus ad fundandam replicam teneatur edere? Adfirmant quidam.

Distinguit BERGERVS. IDEM. mutat sententiam.

§. XXX.

Nobis iam sufficeret Praxis, sententiam amplectens adfirmatiuam, a qua etiam aequitas, et iuris stat analogia; si enim verum, verum autem omnino est, reum excipiendi fieri actorem, *l. i. C. de except.* actorem replicando reum, teneri ergo reum edere auctori

Verior adfirmatiua.

instrumenta. Vti etiam pronunciarunt *A. J. E. Mens Febr. 1703. vid. MENCK. Th. et Pr. Pand. ad us. de. ed. §. 10. Icti Halensiad. Mens. Jun. 1705. vid. MARTINI ad O. P. S. t. 26. n. 25. GRIBNER in Pr. Pr. Iud. L. I. C. t. S. 4. §. 3. LAVTERB. Comp. p. 43. CARPZ. L. I. R. 78. n. 14. BERLICH. P. I. conch. 45. n. 31. TITIVS Obs. Laut. 55. p. 49. STRYCK. Vsf. mod. ad. tit. de ed. §. 18.* Plenissimum tandem adfirmatua sententia in Saxonia accepit robur, per *O. P. S. R. t. 26. §. 1.* plane ergo ut ambigua amplius non sit.

§. XXXI.

Probatio per
Testes.

Neutrum denique si placuerit, replicae probationem ingredi per Documentum, vel per iuramentum, integrum ei ad Testes confugere. Ea quae LL. non sunt expressa, cum sequantur arbitrium voluntatis humanae, *XIII. qu. 2. c. 3.* nulli videmus, quid prohibeat, quo minus in iis, quae alias circa probationem per testes observanda volunt Ordinationes Processuales, circa eam, intuitu replicae etiam adquiescamus, et deficiente LL. dispositione speciali, secundum iuris communis procedamus dispositionem.

§. XXXII.

An hoc do-
ctrinae genus
de Replica in-
nitatur textu
iuris.

Tandem, haud sine iniuria eam omitteremus quaestionem: *utrum adsit* iuris textus, quo traditum haecenus doctrinae genus, de Replica innitatur? Adfirmare dubitamus, licet nulli simus, nescii, probare id quosdam velle *ex L. 2. si advers. rem. iud.* Lecta vero, atque perfecta hac lege, admodum difficilis nobis remansit

mansit probatio, exhibet enim dicta lex, casum obortae inter patrem, et filium, de patria potestate litis, apud Proconsulem ventilatum, et tractat antea acta, et perfecta, nullo vero modo adhuc peragenda, id quod nostra praesupponit Replica, hinc laudatae Diss. BERGERI *de articul. elis. th. 29. et Comment. ad l. 2. C. qui et aduersus quos. th. 28.* calculum nostrum addere, nulli erubescimus. Aegre enim ex verbis sub initio *d. l.* conspicuis: *Si cum patre tuo te in sua potestate esse minime emancipationem a se factam valere diceres etc.* inferre licebit, replicam emancipationis inualidae, libello fuisse insertam. Factum saltem in *d. l.* narratur simpliciter, et breuibus, quo de et alio nihilo etiam intelligenda sunt verba, egisse scilicet patrem, excepisse filium, emancipationem esse inualidam, replicasse patrem. Liberum interim cuiuslibet iudicium esto, hoc magis, quo minus ad salutem Graeciae faciat quidquam, omnis haec controuersia. Testantur vero ple-
 rorumque locorum consuetudines, Saxoniae vero *Ord. Proc. Rec. l. c.* recte replicam inseri posse libello, licet Ci-
 uilis deficiat iuris dispositio.

§. XXXIIL

Generatim adhuc actoribus duas, omnibus nu-
 meris commendamus cautelas: 1) Etiam atque etiam
 quilibet actorum, replicam si velit inferere libello,
 omnem adhibeat curam, operam et cogitationem,
 haud raro enim, non sine magno sui ipsius periculo,
 per replicam reo praeber occasionem excipiendi talia,
 quorum alias in mentem eius forsitan venisset nunquam;
 accedit, quod reus ab onere releuetur probandi, ex-
 ceptio

Cautelae.

1)

- 2) *ib. 30.* 2) si sibimetipſi diffidat actor, rei exceptiones vereatur grauiffimas, eas potius expectet antea, quam replicam inferat, ſic eo melius ad eam ſe comparare, et eo plenius probationem perficere poterit.

§. XXXIV.

Concluſio.

Tantum, quoad eius, quae noſtri inſtituti fuit ratio, fieri potuit, *de replica libello inferenda*. Longiores eſſe ſuaderet quidem rei pondus, iuberet Praxis, in medio poſita, prohibet propoſitum. Expleas *B. L.* relictam a nobis, quae deerit partem, noſtrum fuit diſſerere, non commentari. Remittendum id nobis erit hoc magis, quo pauciora ordine paſſim, niſi in Autoribus hac de re inueniamus obuia, diſſertatione peculiari, nemo huc dum nobis fecit otium. Excipias, nos ea, quae in medium adlata, accepta referre Autoribus, a nobis citatis, replicam ex antecedentibus colligas ipſe, pergas duplicando, diſplicere ordinem, reliqua, triplicamus: Concludendo:

*Inueniat quod quique velit, non omnibus vnum
Quod placet, hic ſpinas colligit, ille roſas.*

T A N T V M !

